

ADRODDIAD I'R:	Pwyllgor Trwyddedu
DYDDIAD:	12 Hydref 2022
SWYDDOG ARWEINIOL:	Pennaeth Cynllunio, Gwarchod y Cyhoedd a Gwasanaethau Cefn Gwlad
SWYDDOG CYSWLLT:	Yr Uwch Swyddog Trwyddedu trwyddedu@denbighshire.gov.uk 01824 706433
TESTUN:	Adolygiad - Deddf Trwyddedu 2003 – Datganiad Polisi Trwyddedu

1. DIBEN YR ADRODDIAD

- 1.2 I roi'r wybodaeth ddiweddaraf i Aelodau'r Pwyllgor Trwyddedu yn dilyn y broses ymgynghori statudol yn ymwneud â'r Adolygiad o Ddatganiad Polisi Trwyddedu'r Cyngor.

2. CRYNODEB GWEITHREDOL

- 2.1 Un o gyfrifoldebau yr Awdurdod Lleol, wrth weithredu fel Awdurdod Trwyddedu, ac yn unol ag Adran 5 y Ddeddf Trwyddedu, yw i bennu a chyhoeddi Datganiad Polisi Trwyddedu.

- 2.2 Yn unol â deddfwriaeth a'r canllawiau a gyhoeddwyd gan y Swyddfa Gartref o dan Adran 182 y Ddeddf Trwyddedu, mae'n rhaid i'r Cyngor baratoi ac ymgynghori ar Ddatganiad Polisi Trwyddedu o leiaf bob pum mlynedd.

3. PŴER I WNEUD Y PENDERFYNIAD

- 3.1 Adran 5 Deddf Trwyddedu 2003.

4. GWYBODAETH GEFNDIR

- 4.1 Fe ddaeth y Datganiad Polisi Trwyddedu presennol i rym ar 1^{af} Ebrill 2017 ac ym Mhwyllgor Trwyddedu 15 Medi 2021 fe awdurdodwyd Swyddogion gan yr Aelodau i ddechrau ar yr ymgynghoriad statudol i adolygu'r polisi presennol.

- 4.2 Mae swyddogion wedi ymgymryd ag adolygiad trylwyr o'r polisi presennol, gan gymryd i ystyriaeth unrhyw newidiadau perthnasol mewn deddfwriaeth, canllawiau ac arfer da.

- 4.3 Yn wreiddiol fe wnaed yr adolygiad mewn partneriaeth gydag Awdurdodau Lleol eraill Gogledd Cymru, fel rhan o ymdrech barhaus i gael cysondeb, lle bo'n bosibl, ar draws y rhanbarth.
- 4.4 Caiff y Datganiad Polisi Trwyddedu drafft ar gyfer y pum mlynedd nesaf ei ddangos fel Atodiad A.
- 4.5 Mae crynodeb o'r newidiadau arfaethedig yn Atodiad B.
- 4.6 Mae cymeradwyaeth derfynol o'r polisi drafft yn nwylo'r Cabinet gan fod ganddo swyddogaeth weithredol.

5. YMGYNGHORI

- 5.1 Er mwyn bodloni gofynion statudol, fe ymgynghorwyd gyda'r asiantaethau canlynol ar y Datganiad Polisi Trwyddedu Drafft:
- i. Yr holl awdurdodau cyfrifol (gan gynnwys yr Heddlu a'r Gwasanaeth Tân)
 - ii. Cynrychiolwyr deiliaid trwyddedau eiddo, trwyddedau eiddo clwb a deiliaid trwydded personol
 - iii. Yr holl Gynghorwyr Sir, Tref a Chymuned

Cafodd manylion yr ymgynghoriad eu cyhoeddi ar wefan Sir Ddinbych a gosodwyd hysbysiad mewn lle amlwg fel y gellid ei weld o du allan i Swyddfeydd y Cyngor.

5.3

Agorodd yr ymgynghoriad ar 18 Gorffennaf 2022 tan 26 Awst 2022.

5.4

O ganlyniad i'r ymgynghoriad fe dderbyniwyd un ymateb gan barti gyda chysylltiad ac un gan y Bwrdd Iechyd Lleol a oedd yn Awdurdod Cyfrifol o dan Ddeddf Trwyddedu 2003. Mae Heddlu Gogledd Cymru wedi cefnogi'r newidiadau arfaethedig. Mae manylion yr ymatebion i'r ymgynghoriad ac ystyriaeth yr Awdurdod Trwyddedu o'r ymatebion hynny i'w gweld yn Atodiad C.

5.5

I gynorthwyo Aelodau mae'r Datganiad Polisi Trwyddedu presennol (2017-2022) i'w weld yn Atodiad D.

ARGYMHELLIAD

6.

Fod Aelodau yn ystyried y Datganiad Polisi Trwyddedu drafft sydd ynghlwm yn ogystal â'r ymatebion a dderbyniwyd fel y manylir yn Atodiad C.

6.2

Fe all Aelodau benderfynu:

- i. Cymeradwyo'r newidiadau a wnaed i'r Polisi Drafft yn unol â'r ddogfen ymgynghori h.y. heb unrhyw newidiadau yn dilyn yr ymgynghoriad; neu
- ii. Cymeradwyo'r diwygiadau arfaethedig a argymhellwyd i'r polisi drafft fel y manylir yn atodiad C (colofn 4).

6.3 Cymeradwyo polisi drafft terfynol yn amodol ar yr ystyriaethau yn 6.2 uchod ac i roi cyfarwyddyd i Swyddogion i gynnig y polisi ar gyfer ei gymeradwyo yn y cabinet.